

10/07/2000

Lebih 200 ekuin sertai Piala Perdana

Mohd Ali Majid

KUMPULAN ARL sudah bersedia untuk menganjurkan satu kejohanan ekuin terbesar di negara ini yang dijadual berlangsung di Bukit Kiara Equestrian and Country Resort akhir Oktober ini.

Kejohanan ini yang dinamakan Cabaran Akhir Piala Perdana 2000 adalah susulan kejohanan pertama yang diadakan di tempat yang sama pada 6 hingga April lalu.

Ianya diadakan sempena sambutan hari jadi Perdana Menteri, Datuk Seri Dr Mahathir Mohamad dengan kerjasama Majlis Sukan Negara (MSN), Majlis Ekuin Negara (MEN) dan Persatuan Ekuestrian Malaysia (EAM).

Pengerusi Jawatankuasa Pengelola, Abdul Razak Latif, berkata dijangka lebih 200 ekuin akan menyertai kejohanan terbesar dan kemuncak kegiatan sukan ekuin tanah air musim ini.

Katanya, pihak penganjur menyediakan hadiah keseluruhan sebanyak RM200,000 untuk kejohanan kali ini.

Hadiah yang disediakan adalah yang terbesar pernah ditawarkan dalam sebarang kejohanan ekuin yang diadakan di rantau ini.

"Dengan adanya hadiah lumayan ini akan menarik lebih ramai ekuin dari luar negara turut serta dalam kejohanan kali ini," katanya.

Antara negara yang akan menghantar ekuin dan kuda terbaik mereka termasuk dari Thailand, Singapura, Indonesia dan Filipina.

Selain itu, katanya, buat julung kali kejohanan juga menawarkan hadiah bonus RM20,000 kepada pemenang cabaran akhir acara show jumping grand prix dan RM5,000 untuk acara dressage.

(END)